

近代中國史料叢刊第三十九輯

沈雲龍主編

周武壯公(盛傳)遺書(附：年譜)

周家駒編

文海出版社印行

周武壯公遺書

Wt 207/09

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



周武王遺像





偉矣武壯氣凌秋雲始
搏眾力保衛榆枌鼓我
義憤揮彼狂氛肥水圍
練海內威聞文忠替師

淮軍乃建公履我行崎
嶇百戰毘陵斷棹墮水
猶健是魏將軍萬眾股
弁江南肅清移師北指
一戰雒河重圍解矣東

捨既夷西捨奚恃感之
荏平如草斯羅北方無事
有事西秦道阻且險請將
逡巡惟公至勅躬冒利
榛鄙延綏榆千里名震既

戲厥功又善厥後乃築於
城外人俯首乃開河渠達
於海口乃營屯田龍鑄為
畝歲年未暮大樹俄催惟
忠惟孝生榮死哀方今

海內未靜喧
尅安得公
等
高議雲臺

德清俞樾拜手謹讚

時光緒壬寅先年冬三日病起
寫此尚不成書



自敘

子以布衣遭世多故從事戎馬幸得隨諸將後所向成
功兄弟蒙

恩並膺節鉞非始願所及也予先世居合肥六十墩同
產兄弟六人予次第五家有田數頃力農自食 先君
子善治生督家人力作 太夫人勤於機杼燈火不繼
猶隨月紡織終夜軋軋雞鳴未已故食指雖繁麤能自
給使非時隄兵燹一門之中事親教子遑慕其他屬自
癸丑而後辦團禦賊以迄靖緒寇平西捻轉戰吳楚關
陝海岱之閒盾炊矛浙萬死一生每解衣自視刀彈之

痕斑斑如刻鏤當裹創血戰時豈意有今日耶近歲以來中原耆定而強鄰思逞每有責言自維受

國厚恩當圖報稱駐海上軍惟日與諸將士勤訓練肄器械修城垣築礮台墾營田興水利課樹藝幸軍民綏靖上下志符差免咎戾爰於蒐討之暇追念生平所歷之境竊舉大綱按年敘述非敢以自表揚聊以示我子孫俾知起家之不易耳

年譜原名磨盾紀實

道光十三年癸巳一歲

六月十八日亥時生余先世本江西撫州府臨川縣人當前明中葉始遷祖諱福德公卜居肥之西鄉紫蓬山陽遂占籍焉以耕讀世其家未有顯宦至余兄弟爲國宣勞門閥始大子姓及族人亦多有擢科名登仕籍者里中人咸謂余先世有隱德克昌厥後云

二十年庚子八歲

出就村塾從寶先生讀書

二十二年壬寅十歲

從孫先生讀書

二十三年癸卯十一歲

先府君卒府君爲人尙義氣好施予與人交坦白無欺鄉里咸敬服焉

二十九年己酉十七歲

袁夫人來歸是歲髮逆起廣西

咸豐元年辛亥十九歲

長女生

三年癸丑二十一歲

粵氛日熾安慶江甯相繼陷人心蠢動盜賊蜂起江

北諸郡始創團練三兄少負奇氣性剛好武方集附近丁壯爲保鄉里計會十二月郡城失守土賊焚掠無虛日大吏諭辦團勦賊於是三兄激於義憤擒匪數人斬之匪黨怒聚千人圖報復三兄亦集丁壯禦焉

四年甲寅二十二歲

羣匪連結城賊日來攻擊三兄與相持五月餘卒以眾寡不敵敗於是六十墩故宅皆燬先世蓄積一旦灰燼幸六弟先期待太夫人避他所而闔門百口栖止公祠貸食親族流離顛沛亦云極矣時官軍圍

城日與賊戰吾鄉爲桐舒援賊往來孔道又距城遠
爲官軍號令所不及人心搖惑附賊者日益眾僞鄉
官有爲賊來說者峻拒之益集丁壯數百人在周興
店築圩禦賊初慮費絀適上派河人慕義伙助眾志
乃堅而僞鄉官銜子梗議導賊來擾予與三四兄協
力防守殺賊頗多賊益怒十月閒遂率賊萬眾來攻
日日鏖戰無稍息是年長子家駒生

五年乙卯二十三歲

二月初四日賊眾破圩入時予與六弟先奉 太夫
人居他所三兄督練守禦力不支猶手刃數賊乃被

害四嫂李夫人亦罵賊死四兄力戰突圍出親屬練
丁死者數十人蓋予家至是再遭殘破矣薦罹禍患
昆季頗欲散練歸農予察人心猶可用而鄉父老亦
僉謂賊尙據上派河若遽解散恐受害滋劇因請於
皖撫福元修中丞濟重辦團練賊聞憤甚七月十二
日以數千人壓宗祠而陣聲言盡滅周族會築牆未
完又鑿於二月之敗眾懼退半里許伏小河灣下賊
火于屋子謂族人曰賊恨周氏深矣祖祠恐不保今
賊眾雖號數千然散兵搜掠留此者不過二三百人
請收合餘燼爲背城借一之計眾然之各持械乘煙

燄突入敗賊二里許至張家灣賊復糾掠糧之眾來
攻勢方危急適四兄六弟各以數十人來援而賊殊
死鬪予兄弟退至旱塘適煦亭二兄率吳建昌等百
餘人從老油坊村攻而入賊腹背受敵始相率遁因
逐之賊屢北至吳團山一賊酋極偉岸忽返戈鬪時
賊已近前火器不及發予乃以鳥槍付從者持匕首
飛身向賊猛撲賊遠顛予擬剗其心歸奠三兄甫下
刃而援賊已近乃以足踏賊肩手挽賊髮割其首而
回援賊亦終不敢近於是復在羅壩築圩族長方策
公助以山中竹木起鄉民三千人晝夜運轉築牆掘

濠不三日而工竣七月上派河賊及僞翼王石達開
率眾援廬分布蜀山下暨金家店三面來攻勢極猛
惡時吾圩與官軍路隔絕苦戰兼旬殺賊三百餘賊
始遁回上派河又乞石達開增悍賊數萬來圍攻入
月朔子督練逆戰至周興店張二房村子練小挫賊
亦尋退有馬千祿者郡西南五十鋪人也受僞監軍
職糾賊數百踞上派河斂民錢穀眾憤之而莫能制
十六日馬至朱家岡會子出偵與相值率練與鬪馬
賊避入民舍乃火其屋冒煙燄親縛之複壁中甫至
圩已有爲之居閒願以萬金贖者子不允與諸兄謀

獻之中丞大營賊爲氣奪九月復率練攻上派河賊
壘平之十月官軍復廬州賊蹤漸遠予亦遣丁壯各
還安業時鄉里有忌予者構於當道賴伯兄出爲剖
別事尋解

六年丙辰二十四歲

歲大旱四兄應滁全音統領募督練勦賊復和州來
安予與諸兄弟亦出外謀食四月四兄以在軍受暍
病歸車行烈日中三百里暈絕復甦者再十月始愈
會李采臣觀察元華招勦潛太賊時歲飢斗米錢數
千四兄稍拊措家計遽慨然力疾往予恐其憊偕之

軍未幾潛太皆復而是時鄭軍門魁士亦督師攻桐
城援賊麇集斷其餉道軍饑困瓦解賊圍愈固安廬
之路遂絕

七年丁巳二十五歲

正月二十三夜予衝賊巢出攀山逾谷忍飢行繞湖
北境入百里始達吾郡甫卸裝賊已擾六安舒城派
河等處所至焚掠村居老稚每日率以五更出避賊
入夜始返予兄弟恐其爲賊乘無遠近皆率練護之
如是月餘保全者以數千計賊退李采臣觀察又商
予兄弟圖六安屬糧藥俱乏軍食麥粥幾三月勛以

大義眾皆誓死不退是秋賊糾合捻匪撲郡城馬太守新貽商請帶練助剿予維桑梓之誼不容坐視兵食不足則自籌接濟十月由華子岡進逼舒城時賊愈眾餉亦愈不給乃不得已退爲自保計

八年戊午二十六歲

七月望僞英王陳玉成率十數萬眾再陷郡城屠戮尤慘賊騎四出所至糜爛尋設僞官脅民納糧無敢抗者予獨力拒之賊怒十二月率大股賊來攻焚我燒脈岡房屋及油坊住宅

九年己未二十七歲

春移居方夏村

今之壽萱莊

甫謀築圩會李方伯

孟羣

軍

覆於長城鎮賊乘勝來攻時圩牆未成無險可守因
盡護男婦萬餘人避登紫蓬山山巔廟已前燬萬眾
露處賊踵至勢危甚而董岡賊趙廣勳又率眾來迤
山南北緣附如螳眾愈恐予謂坐以待斃不如且一
戰幸獲全乃奮臂大呼得敢死士可數百皆願從予
度賊覆長城軍而遠來其力必憊且已近山半先擊
走之則趙賊可不戰而退計既定眾呼噪乘賊賊登
陟方疲見我眾自上壓下知不敵乃返身狂竄斬馘
及墜崖死者無算趙逆亦遁去轉危爲安眾謂神助

二月中賊復困胡有民圩礮彈雨集當者立斃眾猶
堅守賊益決外濠水直灌牆下會迫暮火光燭天賊
眾如牆而進守陣者皆哭危在呼吸聞予聞警選壯
士三百夜半襲賊後刀矛咸舉值者輒殪賊不意我
眾猝至且昏黑不辨多少互相驚駭踐踏狼藉餘眾
悉鳥獸散重圍立解難民獲全者萬餘人時僞儀天
福趙廣勳仍據董岡三月予往擊之毀其壘賊棄馬
匹器械走三河我師大獲旗幟耳級載之六車賊又
合廬郡五屬黨與數萬至先攻唐岡四兄宅兄慮不
敏乃乘夜潛以眷屬出而虛植旗鼓於垣內天明賊

說知無人火其屋旋追至方夏村逼近子宅子與四兄計令郭傳發率練誘敵四兄亦領十數騎各持大旗往來道上以爲疑兵予以百餘人伏村左大堰下煦亭二兄亦以百數十人伏袁家莊約俟賊近出擊俄傳發誘賊至堰埂子與二兄各執短兵突起入賊隊合戰一時許賊不支乃大潰追至離圩十五里之潘家灣伏尸鱗藉此四月十四日事也次日賊由紅石山竄楊家店築壘爲固守計子計賊營果立則擾我無已時當乘其初至迫逐之率勇士四百銜枚進擊其附近小莊諸賊次第擒斬略盡練丁受傷者亦

數十人時天漸明我師單弱形勢畢見進既不可退
又恐爲賊乘乃故作攻營之勢而先護傷勇回圩全
軍亦以次徐退賊竟不敢守壘復退至董岡於是父
老見子兄弟擊賊衛民可恃無恐始各築堡禦寇百
里內互相聯絡以爲聲援僞英王深患之九月中賊
眾分股擾刮汗岡子督練猛戰相持半日賊隊猶整
適練丁二十餘人受圍急子令排槍疊擊之陣小動
楊安典周盛化卽乘勢突入拔被圍練丁出因痛擊
之賊始敗去是役也被創練丁以十數計而賊竟未
遺一尸子惑不能解後檢所購鐵子則半皆空心乃

悟賊所以不死之故自是子益留心軍械焉十月僞
英王糾大股賊虜至高劉集僞示有盡燬民圩之語
俄攻破高王兩圩子懼輔車失倚率百人往偵之至
棗林岡遇賊之出掠者見子驚走子追至分路口猝
與賊數千遇子卻至六十墩之井塘又有賊數百自
西南掠糧來歸路亦梗眾大恐子激以義憤回戈反
戰分路口之賊先敗餘亦盡靡旣抵圩度賊未逞於
我行且復至亟葺治爲堵禦計部署甫定賊果以萬
人來攻子隨宜禦之凡三日夜賊不能越濠一步圍
乃解方賊之退也以老弱殿眾謂可擊子曰勦之良

是但恐爲餌我之謀空壁逐利徒取敗耳做備而出
追至東岡距圩二里許果有賊數千伏方河灣反攻圩圩
以有備不敗賊計竭旋竄潛太去

十年庚申二十八歲

二月僞英王陳玉成自太湖縣小池驛爲楚軍敗回
踞郡城外之西偏三十餘里賊巢皆滿高原下隰徧
支行帳民相率就于圩避于督練至刮汗岡保護之
遙見相距三里之陡岡獨樹大黑旗向晚鄰村諸賊
多策馬向旗立子度居此者必賊酋其紛赴者則聽
令之羣賊也因謂練眾曰爾輩誠願殺賊乎眾曰願

甚願安所爲計子曰賊雖多強半皆裹脅但殪其首
餘眾何能爲眾欣諾皆就岡飽飯會入夜雷雨交作
眾皆氣沮子曰我輩殺賊衛民天豈不能鑒其誠而
轉以風雨相困必無慮俄雨止乃皆銜枚疾走至陡
岡聞柝聲隱隱令楊安典袁洪恩等分帶數十人由
前門掩入賊恃風雨輕我軍不能至支更賊或坐或
臥鼾聲如雷室內燈火熒然羣賊偃息縱橫遍地竟
無覺者安典等刃搦數人應手皆斃羣賊驚起向屋
後狂竄值子越牆入當者輒斃紛呶叫噪賊聞有逸
出者皆斷支折臂血肉模糊驚爲神兵天降其實子

眾不滿百人也是夜賊退十餘里我軍得帳房旗幟
牲畜無算鄰圩之附賊者每乘夜至燒脈岡劫掠至
是氣懾盡歸其所虜六月苗沛霖分黨刈六安馬灣
稻大肆淫掠予偕各練擊敗之又回殲上派河仰家
灣以上諸賊卡鄉里少靖而郡賊復聯捻首孫葵心
馬步賊數萬分布小蜀山下既三日子率百餘人登
東嶽廟高處覘之見山南孫染坊村屋上植紅旗二
運穀往者獨絡繹知捻首必據此思出奇破之先是
賊所屯處必於附近村落燒望火以疑我軍而其營
必無火子諗知其情夜倩土人丁姓爲前導二更時

見鄰村火熾因分數十人故向有火處攻撲引賊出
巢子乘暗率練直搗染坊村復鼓勇連破三大莊獲
賊輜重甚夥蓋賊自破清江光州以至於皖久未受
此創矣此十月初二日事自後賊巡徼益嚴予歎無
攻勦策因度吾鄉地形崎嶇林木叢雜極不利騎戰
矧賊無紀律以此制之必獲全捷會初入日有賊騎
數百至距圩數里外之劉干總莊掠糧予卽率眾往
先伏暗處覘之見賊馬泛泛如鶩及近莊屋見賊或
挈囊而入或負囊而出或聚地叢坐甚且偃仰休息
予知其無備叫噪突前人聲鼎沸羣賊驚逸有繫纒

於腰而遭蹴踏者有繫纒於腕而被牽仆者屋中之賊亦猝不及避倉皇奔走被殲者大半餘皆狂竄僅免因悟師貴有備馬隊尤當察地利也賊旣敗回小蜀山餘黨時至城西橋岳大村諸處焚掠子督練入百至魏張大村擊退之乘夜築壘二令楊安典陳文達岳守高守之民賴少息十一月二十三夜子督練數十人襲孫先旺村賊營斬首數級獲馬十餘騎歸甫就寢倏難民紛至蓋賊已猝抵汪高諸村肆焚掠距圩僅里許時子馬猶未解鞍遽起飛馳出赴援乘煙燄揮眾入賊遽驚潰相持於莊外水田子挺矛猛

刺踏冰而仆眾賊螳集欲生子子棄矛出腰閒匕首騰身起遽刺殺數賊練丁亦至賊復敗走時賊熟聞子名是月杪有悍賊遇子於黃家塘約隻身鬪且誓不以火器弋取子諾之乃各舍馬而步俱以標槍進初格鬪時賊甚猛驚子旋撥旋退以觀其隙退約數十步賊氣稍餒擊刺之法亦漸亂子忽猱進連刺十三槍皆中賊左臂賊力竭倒地練丁汪兆發就取其首級焉自是賊益忌團十二月糾周油坊呂灣張灣吳大村之眾約合戰於紅土地廟之傍且約以力角無用奇子佯許之伏百餘人於許小村又恐賊隊